

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt IX. Duorum Legatorum reditus Romam, & cur non omnium.
Concilium in Senatu confirmatum à Pontifice; & eiusdem studia, vt integrè
obseruaretur. Quae depingit in hoc Suavis, confutata. Declaratio ...

urn:nbn:de:hbz:466:1-11718

de prærogatiua contentio cum eo nemini esset. In alijs tabulis scri-
pta fuit acceptio Ioachimi Abbatis Valdensis, tamquam Oratoris
ab vniuerso Heluetiorum Clero missi. In tertiji firmata fuit acce-
ptio Oratoris Lusitani ac Veneti, nimirum Nicolai à Ponte, cùm
Dandalus tunc abesset. In ultima relata est comprobatio Melchio-
ris Lussij, Oratoris Pagorum Heluetiorum Catholicorum. Cun-
cti verò suorum Principum nomine fidem obstrinxerunt. Quod
si huiusmodi subscriptiones non inspexit Suavis impressas in volu-
mine Concilij; neque pariter vidit subscriptiones Patrum ac Pro-
curatorum ibidem impressas, sed mera nomina eorum, qui quo-
cumque modo interfuerant. Nolle ut quispiam fortasse hinc ar-
gueret, illum ex eo hominum genere fuisse, qui rerum omnium,
quæ sub sensu non cadunt, veritatem negant.

C A P V T I X.

Duorum Legatorum reditus Romam, & cur non omnium. Con-
cilium in Senatu confirmatum à Pontifice; & eiusdem stu-
dia, vt integrè obseruaretur. Quæ depingit in hoc Suavis,
confutata. Declaratio temporis, ex quo Synodus obstringere
incipiebat. Lætitia Catholicorum ob eam confirmationem; &
gratulationes cum Pontifice habitæ à Lusitano Rege, qui
plenam obseruationem Concilij in cunctis suis ditionibus præ-
cipit.

Leuamen incredibile infirmæ Pontificis valetudini attulere
conclusionis nuntij; adeò vt noluisset profectò eo morbo
carere, qui Ecclesiæ tam salutaris euaserat. Cùm autem non-
dum confirmatis esset viribus ad habendum Senatum, illicò cœ-
tum Senatorum coegerit duodecimo Decembris ^a, vbi de prospero
successu Collegium edocuit, statuitque, vt idibus eiusdem mensis decembris,
grates Deo persoluerentur solemnibus supplicationibus à S. Petri
Basilica ad templum S. Mariae supra Mineruam, quibus amplas In-
dulgentias concessit.

² Interim Tridento discesserant ij qui conuenerant, & Præsides,
qui decem aureorum millia distribuerant ^b Magistratibus, & egenis ^b Diarium.
Episcopis ad reditus sumptum: simulque significarant ^c varijs Epi-
scopis, tum Transmontanis, tum Italos, ea quæ Pontifex indulse-
rat antegressis eorum petitionibus: præcipue verò Præfulibus,
^c Extat in
^d duabus litteris Borrom.
^e ad Legatos
^f 4. Decembris

Pars III.

Qqqqq

Theolo-

1563.

1563. Theologis, & Oratori Lusitano exposuerant studiosissimas gratiarum actiones, amplissimasque pollicitationes ad compensandum ingens studium, in sustinenda Sede Apostolica ab ipsis exercitum: quin voluit ipse Pontifex per se Oratori hoc benevolentia & honoris officium exhibere suo diplomate.

Haud ita multò post Romanam peruenere duo ex Legatis, Moronus & Simonetta. Etenim Nauagerus enixè postularat, ut tibi licet confessim reuerti ad suam Ecclesiam Veronensem, iam diuiduam, & ipsius ope indigentem ob periculosam contaminata Germaniae, propinquitatem. Et ardentiùs etiam Osius, confimili permotus studio, facultatem petierat redeundi statim ad suam Poloniā; de quo plurimæ ab eo preces, etiam extante Concilio, scriptæ fuerant, sicut indicatum est, rato magis illic necessariam præsentiam suam quam Tridenti. Quamobrem Pontifex vtriusque pietati reditum indulxit; concessitque ut immolarent Ecclesiæ utilitati voluptatem, quā fuissent affecti Romam adeentes, & Vaticanum ingressi longe ampliore promerito & gloriā, quam veteres triumphatores Capitolium: sed gloriosior diuturniorque triumphus, clari nominis triumphus est, qui absentiā non impeditur, quin interdum augetur.

Narrat Suavis, Aulae Romanæ Magistratus obstitisse confirmationi Concilij, ob tot sanctiones, ex quibus prouentus & auctoritas illi detrahiebantur, & vincum inter eos, Hugonem Boncompagnum Vestensem Episcopum, in magno apud Pontificem pretio, aliter suaesse.

Aliquos ex magistratibus dehortatos fuisse Pontificem ab absolute confirmatione, & Boncompagnum eam suasisse, verum quidem est⁴; non tamen verum est, Boncompagnum in ea sententia vincum fuisse, cum Paleottus, alijque complures ex primarijs, illius telæ præcipui textores fuissent, eamque disruptam cernere minimè cuperent: & ineluctabiles rationes pro integra confirmatione tam dilucidæ apparebant, ut omnium magistratum oculos, ab oculis Boncompagni distinctos, latere non possent. At verò quæ à nonnullis magistratibus opponebantur, ob detrimenta Aulae Romanæ à Concilio illata, quæ à Suavi recensentur, & amplificantur, falsitatis contradictionisque conuincunt id quod ille sui Operis initio dicit; ubi ratus se persuasurum, euasisse Synodus ex omni parte expectationi contrariam, scribit, Cum Synodus ab Aula Romana timeretur ac vitaretur, utpote instrumentum efficeax ad moderandam nimiam potentiam, que paruis è principijs per varios progressus ad infinitum.

⁴ Vita manus. ripta Gregorij XIII. compoita à Io. Petto Mafatio.

sum excessum peruererat , potentiam illam ita stabiluit & confirmauit 1563.
in ea parte, que subiecta ipse persistit, ut numquam tanta fuerit, ac tam va-
liditas radices egerit. Sed cum à natura instituta fuerint verba ad
veritatem cognitam exprimendam , nimis exquisitâ opus est arte
mendacibus , ad eamdem in longo sermonis dœcursu obter-
gendam.

Addit, Pontificem ad hanc confirmationem propendisse, sed
perplexo fuisse animo , propter querimonias Aula, & viuuersalem
Cardinalium opinionem: horum cœtum ab eo fuisse coactum ad con-
silium capiendum; eorumque iudicia refert, quasi de re in ancipit
posita deliberaretur. Sed e conuerso Pontifex die 30. Decembris,
nondum benè conualescens ex morbo, denuò Cardinalium cæ-
tum coegit, in quo latinum sermonem habuit, quem lubet hîc ap-
ponere. Hic profectò dies, ô fratres, nonam affert vitam, nouos postulat
mores: nam auctoritate Concilij Tridentini restituta est disciplina iam ul-
tra modum collapsa ; presertim vero Ecclesiasticis viuendi ratio præscripta
est, quòd cum illi personam huiusmodi suscepserint, animaduertant, necessita-
tem imponi sibi eius vitæ ducende, quam in salutaribus decretis diuino lu-
mine descriptam vident. De quo in primis, sicuti paulo ante à nobis actum
est, immortales Deo grates agimus, cuius benignitate Concilium Tridenti-
num, summe celebre, finem summe felicem optabilem, iam obtinuit. Post
hec Imperatori Ferdinando Christianæ pietatis, ac singularis in nos beneuo-
lentie laudem tribuimus, cuius custodiâ Synodus Tridentina cincta ac mu-
nita, auctoritatem & amplitudinem suam liberam illesamq; seruauit. Hu-
iusce testificationem officij cum alijs Regibus, Catholicisq; Principibus liben-
ter communicamus: summâ pariter voluptate Legatos nostros commenda-
mus ob vigilantiam, ob prudentiam, ob fortitudinem, animi q; constantiam,
numquam deficientem inter extremas euentuum temporumq; difficultates in-
sustinenda Sedis Apostolicæ dignitate. Fatemur denique & comprobamus
religionem, ac perseuerantem libertatem reliquorum Patrum, qui laborem
omnem curamq; impenderunt ad hereses corruptelasq; auferendas. Quibus
pretereà non mediocriter obnoxij sumus, quod in moribus ac disciplina re-
formandis è moderatione atque indulgentiâ erga nos usi sunt, ut si ma-
luissemus hanc nos ipsi curam suscipere, eorumq; arbitratui non committere,
plus certè seueritatis à nobis fuisset adhibitum. Proinde cum hec salutariter
constituta sint, firmissima nobis voluntas inest, ut per obseruationem De-
cretorum sacrosancte Synodi, ea discipline ratio inducatur in mores: quā,
si qui malam de nobis opinionem concepere, tollatur ab ipsis error huins-
modi; qui cum ignoremus vnde nám ortum traxerit, multorum animos
occupauit, existimantium, in ijs, que ad emendationem attinent, à nobis

e Acta Con-
sistorij die 30
Decembris.
1563.
f later Cō-
mentarios
Magalotto-
rum, & Acta
cōsistorialia.

QQQQ 2

prima

1563. prima Concilij claustra esse perfringenda. Potius igitur moderationem limitationemq; à Patribus usurpatam, nos, ubi opus fuerit, diligentia nostra corrigemus, & tamquam rei nostro iudicio referuat & supplebimus: tandem abest ut vel unum quidem apicem negligere aut diminuere velimus. Moronus Cardinalis, viuidi consilij, magni; animi vir, & actionum Synodi, quibus laudabiliter interfuit ac præfuit, peritisimus, volumus ut solerissimè curet, ne quidquam discrepans alienumve à Synodi Decretis fiat in Senatu, aut priuatum à nostris ministris erga nos tentetur. Easdem partes intendimus esse communes Simonettae Cardinale, illius collegæ, cuius fides, industria, ac perpetua sanctæ Sedis defensio in Tridentina legatione insignis extitit; sagaci perspicaciq; Datario adhibito, ne id flagitemur, quod à nobis propter maximas occupationes non perpensum, & fortasse concessum, offensioni ac turbamento esse possit ipsi, qui aut animi nostri sensus ignorant, aut omnia sinistre interpretantur.

Significauit poltea, velle se Prouinciarum Legatos mutare, ac per se ipsum ditionem Ecclesiasticam inuisire. Tum ad Concilij sanctiones conuerso sermone, denuntiauit, vt pro Tridentinorum Decretorum obseruatione omnes Episcopi pergerent ad suas Ecclesiæ, ibi permanensi: quod si qui Cardinalium renuntiarant suis Ecclesijs, earum retentis prouentibus & administratione, hæc integra, & prouentus pro congruenti portione traderentur Episcopo. Laudauit tamquam afflatu diuino decretam Seminariorum institutionem, dicens, velle se omnium primum eius rei exemplum sponte præbere: & quod Concilij negotium aptius firmiusque procederet, addi à se, tamquam Legatorum adiutores, Cicalam, Vitellium, & Borromæum Cardinales, qui de modo validissimæ confirmationis, atque integrissimæ executionis consilium haberent: affirmavitque, sui propositi summam esse, vt Synodus Tridentina eo pacto auctoritate Pontificiæ stabiliretur, quo eius Acta & Decreta inuiolata persisterent, nec ea umquam fauoris aut potentia gratiæ quispiam transgredetur. Quod si forte, vt fert humana conditio, continget, in aliquo euentu conducibile, rationique consentaneum videri, à Concilij sententia discedere, numquam illis Cardinalibus licet id agere, nisi diserto suo iussu accedente.

Hinc ad alia transgressus, tandem conclusit: Cum ex eo cuncta 7 mala traxerint originem, quod homines nequiter improbi sacras Insulas obtinuerant; operam in posterum nauandam esse, ne ad Episcopi gradum promouerentur nisi viri munus illud amplissimum promerentes. Ideircò tribus Ordinum capitibus à se committi, vt vnâ cum Cardinali Relatore inquirerent in vitam, in mores,

mores, in doctrinam eorum, qui erant eligendi; quod eiusmodi es-
sent, ut ipsorum sermone atque exemplo salutaris cibus benignè
præberetur gregi, non autem, sicut interdum acciderat, ut illius sa-
crae dignitatis ornamenta detur parentur; quin potius animi at-
que ingenij luce splendor Episcoporum augesceret. Hi fuerunt
Pij IV. sensus in prima illa oratione ad Patres Purpuratos habita
post Concilium.

1563.

8 Hinc liquet, quām graui calumniā Suavis narret, à Pontifice,
præter iussionem, quā cunctis Episcopis imperauit, ut suas apud
Ecclesiæ residerent (prætermittens silentio id Cardinalibus, ac
postea sororis filio fuisse commune) nullam ibi præterea diligen-
tiam fuisse adhibitam ne Tridentina Decreta violarentur, nisi
demandata curā Morono & Simonettæ, ne in Senatu Cardina-
lium quidquam admitteretur, quod Synodi sanctionibus obesset;
id verò existimatū fuisse leue remedium, *cum ex concessionibus,*
que Romæ habentur, ne centesima quidem pars in Senatu Purpuratorum de-
cernatur. Homini, qui audet factum tam grauiter variare, sine du-
bio satis erit sibi fidem à lectoribus, ac sententiam propitiam
obtinere.

9 Et quod spectat ad integrum Synodi confirmationem, cui re-
pugnantes ille inducit Magistratus omnes Aulæ, præter Boncom-
pagnum; quænam species mortaliū oculis obiecta fuisset, si
Pontifices Synodum conuocassent post tam inflammatas Christia-
næ Reipublicæ preces ad expeditam emendationem Ecclesiæ, po-
stea verò ijdem recusarent emendationem, in Synodo, à suis Le-
gatis administrata ac recta, sanctitatem? Nónne hoc pacto quasi tubâ
signum fuisset editum ad propria nationum Concilia, adeo per mi-
nas intentata, & odio habita celebranda per cunctos populos trans-
alpinos? Præterquam quod quā fronte licuisset Pontifici petere
ab alijs Principibus, ut morum emendationem exciperent, nisi cum
plurimis ex ipsorum arbitratu exceptionibus, ubi ipse ad aliquam
illius partem rei ciendam exemplum præiuisset?

1564.

10 Pontifex nullâ iniecta morâ, in Senatu vigesimæ sextæ diei Ja-
nuarij, iterum suis Legatis ornatissimâ oratione collaudatis, simul-
que Patrum pietate ac prudentiâ commendatâ, solemnem Legato-
rum petitionem communi Patrum nomine accepit, ut Synodus
confirmaretur. Rogatisque de more sententiam Cardinalibus, uni-
uersali consensu eam comprobauit, & confirmauit diplomate, ab
illis omnibus subscripto. Qua de re Borromæus ad duos in Hispania
Nuntios ita scriptit: *In Senatu habito die 26. Pontifex cum sacri h* Primo Fe-
bruarij.
Colle- 1564.

Qqqq 3

1563. Collegij consensu cuncta Decreta Concilij sineulla exceptione confirmavit; ac tam egregie pieq; locutus est de obseruatione atque execuzione illorum Decretorum, ut si ad probum ipsius animum accedat opera Principum laicorum, ac potissimum Regis Catholici, sperandum sit, quamprimum deceptum iri salutarem fructum, qui ad quietem ac sanitatem Christianæ Reipublice peroptatur. Nunc per typos hic diligenter eduntur ea Decreta, quo postea nauiter correcta, per cunctas prouincias mitti possint: & Pontifex habet in animo, certos homines ad cunctos Principes mittere, ut eos hortentur, & urgeant ad eorum custodiam, que in Synodo sancta sunt; quamquam nondum certò statuerit. Interim ille solertia omniem ad rectam prescribendam formam ijs omnibus, que ab Aula Romana conficiuntur, quò emendatio, eiusq; executio hinc vires capiat, ac reliquis exemplum preferat.

In quo Suavis obiecta quædam in Pontificem insulsè configit: à Pio nimirum ea confirmari, quorum sententiam idem ignorabat; cùm appareat ex Actis Senatus (ita scribit) à Pontifice non nisi decretum petende confirmationis visum fuisse. Id autem Suavis configit, quo responsum pariter ad obiecta configat, quod ille scribit redditum esse: videlicet, nihil actum fuisse Tridenti, nisi prius à Pontifice Romæ deliberatum. Iam verò vt hoc illum honore prosequamur, in utroque eius dicto aliquantulum immoremur. Hoc postremum, quod quasi responsum ille refert, si veritati congrueret, nec iniquum, neque nouum fuisse, sicuti sepiùs ostendimus; quin fuisse illud idem, quod in tot venerandis Concilijs, Lateranensi, Lugdunensi, Viennensi, & Florentino fuerat obseruatum, quibus Pontifices per se ipsi adfuerant ac præfuerant. Sed hoc in Tridentino falsum omnino est, cùm Pontifex eousque deuenerit, vt non solum Legatos iussit procedere, secuin prius non communicata notitiā; sed eosdem arguerit cùm id non agebant, quemadmodum ex tot eius litteris hīc appositis, & ex alijs probationibus à nobis patefactum est; & insuper cùm complura Decreta grauia, & aduersantia expectationi tum Aulæ Romanæ, tum Legatorum, sancta fuerint interdum in cœribus Sessionem proxime præcedentibus, interdum in ipsis Sessionibus. Profecto Nicolaus de Ponte, Orator Venetus, vir non adeò studiosus Pontificis, vt hic nonnumquam de illo acriter conquestus fuerit, sicuti narravimus, is, inquam, in vberrima narratione de Concilio, affirmat quidem, initio integrum illic agendi libertatem non fuisse (quod tamen verè dici non potest, sicut in hac historia ostensum est) sed postremo tempore illam fuisse summam fatetur. Et certè animaduertitur,

vertitur, & plures & grauiores sanctiones postremis quinque mensibus constitutas fuisse, quo etiam tempore aliquod ex iam decretis reuocatum ac variatum est; ac posteà extre^mo die lecta iterum & confirmata sunt plenâ concordiâ cuncta Decreta: adeoque etiamsi ad legitimam Actorum efficaciam opus fuisse eiusmodi effræni libertate, ne huius quidem defectus opponi posset.

¹² Sed ut ad id reuertamur, quod Suauis narrat obiectum fuisse modo, quo Pius usus est in Concilio confirmando, an stultitiae plus an malitiae illud obtineat, equidem ambigo. Vbinam apparet, in ea Senatus actione, vt ille pro certo ponit, à Pontifice non nisi decreatum petende confirmationis visum fuisse? Paralogismum Suauis in eo comisit, in quem si vel maxime rudis ex auditoribus Logicæ prolapsus esset, irrisiōibus exciperetur, arguens à sensu, vt loquuntur scholæ, negante ad infinitantem. Eo planè modo, ac si quis diceret: Non apparet in Testamento veteri Deum esse Trinum: ergo apparet, Deum non esse Trinum. Ita sane in re nostra. Non apparet, in ea breui Senatus actione visa fuisse à Pontifice Decreta Concilij; ergo (arguit Suavis, alienam personam fingens) apparet visa non fuisse. Egregiam profectò consecutionem! Num forte satis non erat, Pontificem ante mensem, dum in eodem Senatu verba faceret, sicuti diximus, ostendisse, ea fuisse à se lustrata, & adeò plenè perpensa? sed quid amplius? In eadem actione res apparet aduersus quām Suavis autumat apparere. Affirmat ibi Pontifex, habitam à se fuisse super his maturam cum Cardinalibus deliberationem. Quānam autem fuisse matura deliberatio in habenda confirmatione illius, cuius sententia ignoraretur? Præterea in eadem actione legitur tunc fuisse decretum, vt diploma de his vulgaretur, quod, sicuti narravimus, re ipsa vulgatum fuit, eodem die signatum, & ab ijsdem Cardinalibus subscriptum, ac posteà per typos impressum. Et in eo sic loquitur Pontifex: *Quoniam noueramus, omnia ea Decreta esse Catholica, & utilia populo Christiano; ad laudem Omnipotentis Dei, omnia, & ipsorum singula, cum consilio & consensu fratrum nostrorum, hodie in nostro Consistorio secreto auctoritate Apostolicâ confirmavimus.* Et sane nōnne notorium erat, Decreta Sessionum subinde non modò in Pontificis, sed in cuiuslibet hominis, latinam linguam callentis, manus peruenisse? Quod si quis me percontaretur, cur potius huiusc decreti, quo Synodus confirmationem postulabat, quām aliorum, fieret mentio expressa in Senatu; animo reputet, hoc decretum interesse potissimum in ea actione, vt liqueret, agnitam fuisse à Synodo necessitatem Pontificiæ auctoritatis, vt ipsius sanctio-

nes.

1564.
e Litteræ
Borrom. ad
Legatos 2.
Decembris
1564.
k Litteræ
Borrom. ad
Legatos 4.
Decembris.

nes vim haberent. Hinc accidit, ut cùm Legati Romam miserunt exemplum confirmationis, à Simonetta digestum, ad ipsos resum fuerit, promptum esse Pontificem ad eam habendam, dummodo à Synodo postularetur, quod postulatum à Pio percepit. Idem etiam rursus significauit, cùm rumor esset, velle Lotharingum postridie quā res concluderentur discedere, Tridentum mitti non posse confirmationem antequam Synodus absoluueretur: velle se tamen absque dubio eam confirmare statim ac legitimam postulationem acciperet: atque ita planè perfecit diplomate, de quo diximus.

Quoniam autem varietas, & ambitiosa subtilitas ingeniorum frequenter efficit, ut interpretationes mutatā ipsarum naturā implicent potius quā explicit scriptio[n]is sententiam; & peculiariter prænoscetebatur, Concilij Decreta in explicationes contrarias pertractum iri à contrarijs non modò mentium conditionibus, sed animorum affectionibus atque utilitatibus, corrupto magna ex parte fructu, & Ecclesiā perturbatā potius quā complicitā; interdixit per idem diplomā Pontifex, ne interpretationes super illis imprimarentur, sibi reseruāta eorum declaratione quæ in dubium vocarentur, quemadmodum ipsa Synodus constituerat.

Dubitatum postea fuit de tempore, quo Decreta initium ducent ad obstringendum. Pontifex verò, quò ambiguitas omnium interioris tum exterioris fori tolleretur, aliud diploma proximo Iulio vulgauit; declarans, Tametsi Decreta ab initio Romæ obseruata fuissent, tamen quoniam spatum aliquod à iure conceditur, antequam obliget noua lex, & quia uniuersi Concilij Decretis aliquā temporis morā opus fuerat, ut correctius per typos ederentur in lucem, intelligendum esse, initium obligationis constitui Kalendas Maijs. Dein secundo Augusti tertium diploma confecit, per quod octo ex Purpuratis Patribus designauit, qui plenæ Concilij executioni præcessent, opportunā illis auctoritate concessā.

Antequam hæc postrema & ab eo perficerentur, & inde vulgaris rentur in remotis Regionibus, siue desiderium vehemens, à quo metus progignitur, siue odium, à quo noxium prænuntiatur opus ex impatienti libidine illius vituperandi priusquam perpetretur, rumorem excitauerat, Pontificem difficulter adactum iri ad Synodum confirmandam, cum tanto Aulæ suæ sive rarior detimento. Quamobrem nuntius postea oppositi euentus Christianos populos mirifice recreauit. Mili autem satis erit, litteras h[ic] proferre, quas ad Pium scripsit religiosissimus Lusitanæ Rex Sebastianus.

Miserat

Miserat iam Pontifex librum impressum Decretorum Synodi per 1564.
 Oratorem Lusitanum ad Henricum Cardinalem, Regis patruum,
 eiusdemque postea successorem. Is verò in responsione, commen-
 dato extra modum Pontificis studio¹ ob perfectum confirmatum
 que Concilium, indicauerat, ad explendam communem lætitiam
 expectari diploma litterasque Pontificis, quibus Decretorum ex-
 ecutionem præciperet. Paulò pôst litteras illas ad Regem missæ sunt,
 qui hæc rescriptis^m: Nullum umquam diem arbitror nostrâ aut maiorum
 nostrorum atate illuxisse vniuersitatem Christianæ Republica feliciorum illo
 die, quo Sanctitas vestra confirmatis omnibus Decretis sacrosanctæ Tridentine
 Synodi, salutare signum sustulit in Arce Apostolicæ Sedis ad bene-
 sperandum de hac ipsa Republica. Satis erat apud homines p' os, salutissimis
 communis studiosos, auctoritas grauissimi Decreti, per quod vestra Sanctitas
 omnes sanctissima illius Synodi Canones Apostolicâ suâ potestate compro-
 baret. Sed apud proteruos ac peruvicaces, donee id publicis Pontificijs litteris
 palam fieret, non modo sacrosancti Concilij firmitas vacillabat, sed digni-
 tas & existimatio Sedis Apostolica in discrimine integratatis sue versaba-
 tur; cum essent qui circumspectam Sanctitatis vestre cunctationem, & reli-
 giosam maturamq; prudentiam istius Sacri Senatus in promulgando diplo-
 mate, valde aliter interpretarentur quam opus ipsum ostendit. Nunc verò
 dum ob litteras Pontificias cuncti fatentur, omnem caliginem esse disiectam,
 dubitationemq; sublatam, conuertunt animum ad bonam frugem, intelli-
 gunt oportere sibi ut alios induant mores, aliisque procedant via: Christia-
 na discipline severitas reparatur; bonarum artium studia resflorescent;
 animarum procuratio iam intermissa resumitur; debitus Ecclesie splendor
 restituitur; sacerdotibus, Deijs, ministris honor exhibetur; Pastores suo
 funguntur munere; complurium sacerdotiorum obligationes expenduntur,
 & pristina functiones ad usum reuocantur. Idcirco grates publice Deo op-
 timo persoluuntur, qui tam piam mentem iniecit Sanctitati vestre, cui pa-
 riter semper grates agemus ob numquam defessam constantiam, quam tam sa-
 lutare opus perfectum est. Quod ad me spectat, in tuenda sacri Concilij di-
 gnitate, & istius sanctæ Sedis auctoritate, efficiam, ut qui mihi subiecti sunt,
 & etiam alijs, intelligent, nihil nobis magis cordi esse, quam ut pristina di-
 gnitas reddatur Ecclesiæ, atque ut nostrâ operâ cuncta sanctæ Synodi De-
 creta, tum de rebus fidei, tum de moribus, obseruentur inconcusâ
 & inuiolabili integritate: quod illico significauit cunctis Praefulibus
 in nostris regnis ac ditionibus: seduloq; commendauit, ut ad id omni stu-
 dio incumbat Henricus Cardinalis patruus meus, & vester Legatus, non
 tam ut promptiorem illum redderem, cum ipse ab innata pietate vehemen-
 ter ad id feratur, quam ut idem cognosceret, in hoc negotio mentem meam

Pars III.

Rrrrr

cum

^l Litteræ
 Henrici Car-
 din. Lusitan
 ad Pontif. I.
 Iulij 1564.
^m Die 2.
 Octobris: &
 extante in
 Archivo Va-
 ticanico.

1564. cum ipsius fide, religione atque integritate plenè concordare, & vi me paternè admoneret quidquid mihi agendum putaret.

Huiusmodi sensus in Concilium & in Pontificem pius Lusitanæ Rex Sebastianus præ se tulit:

Humana nequitia dum semper de Principibus ac Præsulibus opera mala prænuntiat, hoc boni secum fert, quod postea opera prædictioni contraria, tametsi obligationem haud excedentia, tamquam heroica, cum admiratione ac laudibus excipientur.

C A P V T X.

Obiecta à Ferrerio duarum Sessionum postremarum Decretis, ne acciperentur in Gallia. Alia Suauiana commenta ab Auctore confutata de iurisdictione Ecclesiastica, de iure Patronatus, de facultate possidendi bona stabilia mendicantibus concessa, & de Commendis.

¶ Litteræ
Ferrerij ad
Regem, Ve-
netijs 6 De-
cembbris
1563.

Sed huiusmodi sensus haud præ se tulit Ferrerius, qui Venetijs 1 adhuc morabatur. Hinc vbi primùm cognouit, Synodus suis terminatam, ad Regem scripsit^a, ac pro eo quod homines consuerunt, ut è cunctis subsecutis euentibus comprobationem suorum operum, consiliorumque præcedentium conquerantur) argumentum sumpsit ad affirmandum, absentiam suam & collegæ à postremis duabus Sessionibus peropportunam fuisse, ne ipsorum præsentia immunitatibus ac prærogatiis Ecclesiae Coronæque Gallicanæ detrimentum inferretur. Atque ita differebat: In Sessione vigesima quarta capite quinto, octavo, ac vigesimo sancitum fuisse, vt Episcoporum cause cognoscerentur Romæ, aduersus Gallicæ priuilegia, per quæ habebatur, vt ipse dicebat, ne illæ extra Regnum egredierentur. Pensiones comprobari: (perinde quasi Rex in Sacerdotijs distribuendis eas non imponat:) & in fine pluribus modis declaratum fuisse, Concilium illud vnum continuum, non autem nouum fuisse, cui semper obliterant Regis Oratores, secundum ipsius mandata. Romanum Pontificem nominari *Episcopum Ecclesie Vniuersalis*, cui titulo semper Oratores repugnant: & alia complura esse, ex quibus necessariò conficiebatur, illum præesse Concilio, aduersus quam opinabatur Gallia & Sorbona; quæ opinio semper illic ab ipsis vna cum Lotharingo Cardinali, cum Episcopis ac Theologis Gallis fuerat propugnata. Nullam fuisse habitam rationem contestationis, ab Henrico Rege pronuntiatæ in Iulij